

HOLY SEE PRESS OFFICE
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE
PRESSEAMT DES HEILIGEN STUHLIS

BOLLETTINO

SALA STAMPA DELLA SANTA SEDE

N. 0258

Giovedì 27.04.2000

LETTERA DEL SANTO PADRE AL SUO INVIATO SPECIALE ALLE CELEBRAZIONI DEL 150° ANNIVERSARIO DELLA RICOSTITUZIONE DELLA GERARCHIA CATTOLICA IN INGHILTERRA E GALLES (LONDRA, 4 MAGGIO 2000)

LETTERA DEL SANTO PADRE AL SUO INVIATO SPECIALE ALLE CELEBRAZIONI DEL 150° ANNIVERSARIO DELLA RICOSTITUZIONE DELLA GERARCHIA CATTOLICA IN INGHILTERRA E GALLES (LONDRA, 4 MAGGIO 2000)

In data 3 aprile 2000 Giovanni Paolo II ha nominato il Cardinale Godfried Danneels, Arcivescovo di Mechelen-Brussel, Suo Inviato Speciale alle celebrazioni del 150° anniversario della ricostituzione della Gerarchia Cattolica in Inghilterra e Galles, che avranno luogo a Londra il 4 maggio prossimo.

Il Cardinale Danneels sarà accompagnato da una Missione composta da:

Rev.do Mons. Arthur Roche, Segretario Generale della Conferenza Episcopale di Inghilterra e del Galles;

Rev.do Mons. Nicholas Rthon, Incaricato della medesima Conferenza Episcopale per il Grande Giubileo dell'Anno 2000.

Pubblichiamo di seguito la Lettera che il Santo Padre ha inviato per l'occasione al Cardinale Godfried Danneels:

Venerabili Fratri Nostro

GODEFRIDO S.R.E. CARDINALI DANNEELS

Archiepiscopo Mechliniensi-Bruxellensi

Singularum per orbem communitatum ecclesialium causas et curas, gaudia et decora volumus nimirum etiam esse haberique Nostra quippe qui pastorem auctoritatem in universos Domini greges pro Christo Iesu exerceamus atque consilia valida pro uniuscuiusque flore prosperitate vigore capere cotidie debeamus.

Laetissimi itaque cognovimus perhonorificum illud appropinquans eventum ac propriae historiae tempus quod

commemorabunt Ecclesiae Catholicae in Anglia necnon Vallia, centesimum nempe et quinquagesimum annum expletum, cum Decessor Noster felicis recordationis Pius IX providentissima sane mentis suae sententia sacram Ecclesiae hierarchiam iis restitui plene redintegrari censuit in regionibus. Novae videlicet Catholicorum aetatis iecit suo decreto solidissima fundamenta, unde est illa paulatim matura enata fidei et actionis catholicae soliditas quam iuvat magnopere Nos et praesentes coram experiri pastoralibus Nostris in salutationibus et absentes procul semper contueri iuvabit.

Quoniam igitur meritissima rituum sollemnitate animorumque festivitate utraque memorata communitas, Angliae et Valliae, mense Maio eventum tanti ponderis concelebrabit in recentioris suae vitae annalibus, Episcopus Romanus quoque humilis Successor tum Gregorii Magni Pontificis, qui fausta evangelizationi illic initia saeculo sexto dedit felicissime, et superius celebrati Pii Noni, cuius voluntate reddita sibi est tandem Dei Ecclesia, communis huius et praeclarae participem se esse vult commemorationis die quarto Maii mensis, festivo nempe Beatorum Martyrum Angliae et Valliae die.

Pro Nobis sic valde gratulantibus intusque exsultantibus adstabis, harum Litterarum vi a Nobis *MISSUS EXTRAORDINARIUS* libentissime destinatus, inter publica ac liturgica sollemnia eius rei causa ordinata, utpote a quo mens Nostra penitus sit iam perspecta atque episcopalis statio laudabiliter occupata quam olim maximus hac in causa actor auctorque Cardinalis Mercier custodierat. Pro Nobis adstantes efficaciter adloqueris et adhortaberis rectae ad fidei tutelam et propagationem studiique oecumenici procuracionem. Audientes denique Apostolica Nostra Benedictione recreabis, quae pastoribus ipsisque christifidelibus Angliae et Valliae pignus sit supernorum luminum ac roborum, unde inceptum salutare Pii IX ulterius possit in saecula prosperari.

Ex Aedibus Vaticanis, die XXX mensis Martii, anno MM, Pontificatus Nostri vicesimo altero.

IOANNES PAULUS II

[00928-07.03] [Testo originale:latino]
